

Ense recide sacro, stygiasque revifere ad umbras
Cœli voce iube : scopulis Symplegadas altis
Angustos Superùm calles superare doceto,
Atque arctas intrare vias, superare draconis
Tartarei spumas flammamque ignemque vomentes.
Sic te conspicuum victuro carmine, vatum
Posteritas ventura canat ; sic, vnde sub auras
Vitales prodijsti olim FERNANDE, superni
Cæligenis Locuples spolijs, animæque talentis,
PASTOR iure BONUS tecta ampla revife PALATÎ;
DOCTOR iure BONUS terris FERNANDE corusca,
Manfurum patrio per sæcula fidus olympo!

S T R O B E L I U S

Anagramma

S O L E T R I B U S

AD REV. dum AD. dum IN CHRISTO ET EXIMIVM

P. FRANCISCVM VAN DER VEKEN

SS. Theologiæ DOCTOREM,

Eiusdem FACULTATIS DECANVM
PROMOTOREM,

Et TRES. *simul Promotos Doctores,*

VOX vetus est: SOL tantùm *unus*, Rex *unicus* esto:
Nec Regnum Reges, nec capit *Aula Duos*

Nec cœlum Soles; cœlo SOL sufficit *unus*;
Rex *unus*, Regnum quo moderetur habet.
Vox vetus hæc. nonne historiæ nova lumina, *Soles*
Emicuisse polo *tres* aliquando ferunt?
Emicuisse ferunt: veluti cum *Cæsar* habenas
*Augustus** stabiles Urbis & orbis habet,
Tergemini *Soles* sensim coalescere visi,
Et micuit simplex, qui fuit ante triplex.
Nixa *Trium*-Romana *viris* Respublica stabat;
Mox uno tantùm culmine nixa stetit.
Primus Teutonicis micuit dum sedibus *Otho*,
Commemorant *Soles* promicuisse *duos*.
Othones ambo *Soles*. Sol *Otho* secundus
Sub *magni* solus funera Patris erat.
Terni igitur, *geminivæ* micant simul æthere *Soles*
Nec terni verè, nec *geminivæ* micant;
Apparent gemini tantùm, ternivæ videntur:
SOL idem ac unus, qui fuit ante manet.
Oppositæ nubis radiante Parelus astro
Vnum sub triplici schemate monstrat opus:
Brachmanûm* triplices ut habent Tépla Indica turre,
Unicus in summo sed coalescit apex.
Longè aliter *triplices* hodierno fidere *Soles*

B

Nunc

* Turcellin. epitom. l. 2. Sub finem

* Ibid. in Othone. l. 1. p. 1. p. 1.

Nunc per Agrippinæ climata sacra micant.
VEKENIUS magno SOL *Promovet* igne DECANUS:

Tres paribus soles ignibus inde micant.
Distincti Soles disiuncto lumine fulgent;

Conveniuntque loco, conveniuntque scopo.
Et veluti Lux *una*, *Trium* sunt sidera *Regum*:

Sic Lumen triplicis pænè micantis idem est.
Laurigerâ primus *Laurentii* è Gymnade prodit

Exemplo *Patris Laurus* opima senis.

Franckenides senior plures *Sierstorffius* annos

SOL fulsit: sequitur prævia fulcra Nepos.
Ille quaterdenas messes rexisse *Iuventam*;

SOL humeros hic amat supposituisse novos.
SOL alter cœtu micat è *Tricoronide* *IESU*,

Mylius Arnoldus SOL memorandus adest.
Clarus Apollineam SOL rexerat ante *Palæstram*;

Iam *Socios*, *Rector* SOL regit ille suos.
Nunc quia *Theiologum* docto reget ore *Lycæum*:

SOL unus-triplex dicier anne queat?
Tertius æquali fulgore accedis eisdem

SOL FERNANDE NOVUS (dicere malo) vetus!
SOL NOVVS atque vetus. TRIBVS E modo *Solibus* unus

Strobeli radio, Lucidiore micas.

PRÆSUL *Agrippinis* qui SOL heu! occubat oris,

Omen habes: doctos inter *Fernande* sodales
Ornabas quondam SOL rubicunde scholas.

Exin laurigeros & Apollinis inter Alumnos,

SOL quantus rutilo lumen ab ore iacis?

Adde, quod & dignum *Præsul Fernandus auitus*

Consilii Myftam iufferit esse sacri.

Ex quo *Pastorem* Te *Patria Bonna* creavit,

An verum: in *patrio nemo Propheta solo est?*

Testis BONNA tibi: quanto geris omnia plausu,

Quàm fructu locuples vberè munus obis?

Denique per triplices tandem cùm victor arenas

Difficili *Sophiæ* regna labore subis;

Cùm *Doctoralis* nunc aurea carpis Honoris

Vellera, quāntus SOL E TRIBUS inde micas?

E TRIBUS ergo micas. Quis SOL *Tres* maximus inter?

Lis erit arbitrio non dirimenda meo.

Sitamen invidiosa minus prænomina spectem:

SOL medius fulges E TRIBUS ergo viris.

ARNOLDUS SOL est primus, FERNANDIUS alter,

Tertius HENRICUS SOL quoque compar adest.


Sin autem diversa *Trium* cognomina spectes:

Tres alio fulgent ordine. Lumen idem est.

SOL equidem primus *Francken*, SOL *Mylius* alter

Strobiliusque pari Lumine ternus erit.
 Tres soles, sed ubique pares similesque, nec alter
 Alterutri dispar lumine, corde, sono.
 Tres Soles vos ergo pares, Fratresque salutans,
 Dissimiles solo nomine Musa probat.
 Tres Soles fulgete pares Fratresque manete;
 SOL FERNANDE VIRIS E TRIBVS ergo mica.
 VOX vetus i, cessa: *Tantum Sol unicus esto!*
 Tres Vbia Vrbs Soles iam capit, aula * tenet.
 * Theologica.

SoL Vbi MarCeLLI festo fVLgebat ab aXe,
 SoL trlpLeX Vblls fVLget, InestqVe sCholIs.



FERDINANDUS STROBELIVS
 PASTOR ET DOCTOR

PASTOR
 Anagramma.
 I.

ST: PARO
 I.

ST! cessate Lupi, cessate vlulare molossi!
 EN PARO in hæreticos sacra flagella canes!